

Ո Ր Ո Շ ՈՒ Մ

Վարչական բողոքը մասնակի բավարարելու, Ճանապարհային ոստիկանության վարչական իրավախախտման վերաբերյալ գործով 03.03.2020թ. կայացված ԱՖ209512 որոշումը բեկանելու, իսկ ԱՖ209511 որոշումն անփոփոխ թողնելու մասին

<<10>> 04 2020թ. 7-13- 4219

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Մուշեղ Կատվալյանի ՄԴ/16481-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Լենինգրադյան փողոցի 38 շենքի 46 բնակարանի բնակիչ Մուշեղ Կատվալյանը դիմումով իր անհամաձայնությունն է հայտնել վարչական իրավախախտումների վերաբերյալ գործերով 03.03.2020թ. կայացված ԱՖ209511 և ԱՖ209512 որոշումներին՝ նշելով, որ ավտոմոբիլը վարել է գործող ԱՊՊԱ պայմանագրով և անվտանգության գոտիով ամրակապված վիճակում: Կից ներկայացրել է գործող ԱՊՊԱ պայմանագրի պատճեն:

Դիմումի քննարկման արդյունքում պարզվել է, որ Ճանապարհային ոստիկանության վարչական իրավախախտման վերաբերյալ գործով 03.03.2020թ. կայացված ԱՖ209512 որոշումը ենթակա է բեկանման, իսկ ԱՖ209511 որոշումը ենթակա է կատարման հետևյալ պատճառաբանությամբ.

Վարչական իրավախախտումների վերաբերյալ << օրենսգրքի 123.3-րդ հոդվածի համաձայն՝ տրանսպորտային միջոցների անվտանգության գոտիները չամրակապած կամ սաղավարտը չկոճկած վիճակում կամ առանց սաղավարտի տրանսպորտային միջոցները վարելը, ինչպես նաև անվտանգության գոտիները չամրակապած կամ սաղավարտը չկոճկած կամ առանց սաղավարտի ուղևոր փոխադրելը առաջացնում են տուգանքի նշանակում՝ սահմանված նվազագույն աշխատավարձի տասնապատիկի չափով:

Ուսումնասիրությամբ պարզվել է, որ 03.03.2020թ. ժամը 17:00-ին Վայք քաղաքի Զերմուկի խճուղում քաղաքացի Մուշեղ Կատվալյանի վարած <<MITSUBISHI>> մակնիշի 900VV97 հաշվառման համարանիշի ավտոմոբիլը կանգնեցվել է Ճանապարհային ոստիկանության ՃՊԾ 2-րդ սպայական գումարտակի 6-րդ սպայական վաշտի 1-ին սպայական դասակի տեսուչներ, ոստիկանության կապիտան Խ.Գևորգյանի և ոստիկանության լեյտենանտ Խ.Ստեփանյանի կողմից՝ <<Ճանապարհային երթևեկության անվտանգության ապահովման մասին>> օրենքի 24-րդ հոդվածի 5-րդ մասի <<բ>> կետի պահանջի խախտման համար, այն է՝ վարորդն ավտոմոբիլը վարել է անվտանգության գոտին չամրակապված վիճակում: Ստուգումից պարզվել է, որ վարորդն ավտոմոբիլը վարել է առանց տվյալ ավտոմոբիլի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու:

Ճանապարհային ոստիկանության ծառայողների կողմից տրված պարզաբանման համաձայն՝ քաղաքացի Մուշեղ Կատվալյանի կողմից ԱՖ209511 որոշմամբ կատարված իրավախախտումը հիմնավորող՝ տեխնիկական միջոցների կիրառմամբ ձեռք բերված այլ ապացույցներ առկա չեն, սակայն իրավախախտումն եղել է անմիջապես իրենց տեսադաշտում, ակնհայտ և պարզ տեսանելի, իսկ ինչ վերաբերվում է ԱՖ209512 որոշմանը, ապա այն

հայտնաբերել են ավտոմոտ ճանաչման սարքի միջոցով: Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

Քաղաքացի Մուշեղ Կատվալյանի կողմից ներկայացված <<Ռոսգոսստրախ Արմենիա>> ԱՓԲԸ-ի հետ կնքված SN721034 ԱՊՊԱ պայմանագրի պատճենի համաձայն՝ <<MITSUBISHI>> մակնիշի 900VV97 հաշվառման համարանիշի տրանսպորտային միջոցի ԱՊՊԱ պայմանագիրն ուժի մեջ է 11.02.2020թ. ժամը 00:00-ից մինչև 09.02.2021թ.: Նշված փաստը հիմնավորվել է ՀՀ ապահովագրական բյուրոյի հայտնած տեղեկատվությամբ:

<<Ճանապարհային երթևեկության անվտանգության ապահովման մասին>> օրենքի 17-րդ հոդվածի 1-ին մասի <<ա>> կետի համաձայն՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե **ակնհայտ** կամ տեխնիկական միջոցների օգտագործմամբ **երևում է, որ վարորդը խախտել է ճանապարհային երթևեկության կանոնների պահանջները:** Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 03.03.2020թ. կայացված ԱՖ209512 որոշումը բեկանել և վարչական իրավախախտման վերաբերյալ գործի վարույթը կարճել:
2. Ճանապարհային ոստիկանության վարչական իրավախախտման վերաբերյալ գործով 03.03.2020թ. կայացված ԱՖ209511 որոշումը թողնել անփոփոխ, իսկ վարչական բողոքը, դրան վերաբերող մասով, առանց բավարարման:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
1. Սույն որոշման օրինակն ուղարկել Մուշեղ Կատվալյանին և Ճանապարհային ոստիկանության ՃՊԾ 2-րդ սպայական գումարտակ, ինչպես նաև քննարկելու հետազայում նմանատիպ դեպքերը բացառելու համար:



Ե. Կարապետյան